

〔白石子筆語〕一琉球國之地形皆島に御座候常に舟行を以あなたこなた往來仕由御座候狹長
 二候而漸橫幅三里計之所も有之由御座候島津家江附屬仕候刻知行高拾貳萬石之軍役二御座
 候但此知行之多少其圖世間江慥ニ露顯不仕候尤小國ニ御座候略中

十一月廿一日

小瀬復庵

物産

〔南島志下〕物産

大明會典云琉球貢物馬刀金銀酒海金銀紛匣瑪瑙象牙螺殼海巴權子扇泥金扇生紅銅錫生熟夏
 布牛皮降香木香連香丁香檀香黃熟香蘇木烏木胡椒琉黃磨刀石若其馬及螺殼海巴夏布牛皮烏
 木琉黃磨刀石則其國所産而已其餘則所與此間及諸國交易也穀則稻稗稷麥菽蔬則瓜茄薑蒜葱
 韭之屬皆有焉亦有蕃薯可以代穀而食此間俗曰琉球薯即此海棠可啖亦多果則龍荔蕉子甘蔗石
 榴橘柿但無梅杏桃李之類近時有梅移自此間者唯著花而不結子草則山丹佛笑風蘭月桔名護菊
 粟菊盛花澤藤等品不少近藝烟草葉細而長木則赤木其性堅緻紫紅色而有白理蓋欄木之類本朝
 式所謂南島所出赤木即此俗曰加木黑木即會典所謂烏木也蘇鐵即琉球錄所謂鳳尾蕉其野生則不
 如栽在園庭者俗曰加木木犀俗曰伊八幾何檀福木曰底巴曰也良木曰未隋書所謂闔樓樹使琉球錄以
 謂土産無其樹即今國人亦謂不詳隋書曰闔樓樹加橋而葉密條織如禽鳥則綾鳩黑鶉鶉亦有異色
 者俗名三乃字津頁蓋蝙蝠産于八重山者其形極大山蝠俗名八重其餘有鳥鶉麻雀野雉野鳧之屬但無
 鶴及鷓鴣而鴻雁不來秋月之候鷹隼及小雀自南來者多畜獸則鳥牛即水牛犬豕麋鹿之屬皆無不
 有者而無虎豹犀象亦産異色貓蟲豸則蛇蝎之屬最多毒蛇凡七種蝎亦能螫人其有在于壁間聲噪
 如雀者春夏之交有赤卒自南來亦多鱗介則海出白魚亦名海馬馬首魚身皮厚而青其肉如鹿人常
 啖之馬鮫龍蝦之類亦皆有之棘鬣其色不紅而味亦不佳鯨魚每出沒洲嶼之間而莫敢捕者蛟龍時
 自海中起而能致風雨俗謂之風待也螺蛤之屬多奇品貝子即會典所謂海巴螺殼大者可以代釜甑